

Матфеин 13 бөлг.

1. Тер өдр Иисус гертэсн һарад теңгсин көвэд суула.

2. Терүнэ өөр йир дала күн цуглрв,  
тегэд Тер оңһцд орад суув, әмтн көвә деер  
зогсад үлдв.

3. Иисус оln цецн келврмүдәр ирсн  
әмт сурһдг билә:

4. « Тәрәч тәрәһән тәрхәр йовж. Цацсн  
тәрәнә экин зәрмнь хаалһин өөр унж.  
Шовуд терүгинь чоңкад идчкв.

5. Кесгнь чолута һазрт унж, тенд һазрнь баһ  
билә. Буудя шулун урһмлын бүчр  
һарһна, яһад гихлә һазрнь гүн биш билә.

6. Нарн һархла, эн хумһарад хагсж одв,  
яһад гихлә урһмлын уңг уга билә.

7. Дәкәд нег тәрәнә экн көгл заагт  
унв. Зуг көгл өсәд, өндр болад, тәрәнә  
экин уңгиг бүтәһәд дарв.

8. Зәрмнь сән һазрт унад темс өгдг  
болв. Негнь зун холван, негнь  
жирн холван, негнь һучн холван ик урһц өгнә.

9. Соңсхин төлә чикн бәәхлә – соңстха.»

10. Сурһульчнр Иисусур өөрдәд,  
Терүнәс сурцхав: “Яһад әднд цецн  
келврмүдәр келнәт?»

11. Тер әднд келв: «Яһад гихлә Бурһна Теңгрин

орн-нутгин нууц тадн медх зөвтэт, эдн  
медх зөв уга.

12. Тегэд меддг күүнд деернь немгдх.

Эс медснэс бээснь авгдх.

13. Цецн келврмүд эднд келж өгнэв,  
яһад гихлэ эдн хэлэв чигн үзхш, соңсв  
чигн – соңсхш болн медхш, тегэд  
үлгүрлэд теднд келжэнэв.

14. Өэлдэч Исайин эднэ тускар келснь  
күцжэнэ: «Чикэрн соңсв чигн –  
медхшит, нүдэрн хэлэв чигн – үзхшит.»

15. Яһад гихлэ эн эмтнэ зүркн модьрун  
болж, нүдэн аньчкад, чикэрн эрэ  
соңсна. Тегэд нүдэрн үзшго, чикэрн  
соңсшго, зүркэрн медшго. Тегэд бийэн  
Нанар эдгэхэр суршго.

16. Тадн хөвтэ бээжт, яһад гихлэ  
нүднтн үзнэ, чикнтн соңсна.

17. Тегэд таднд лавта үн келжэнэв: оln  
ээлдэчнр болн Бурхна закаһар бээдг  
эмтн тадн үзсиг – үзх дурн күрв чигн  
– үзсн уга, тадна соңссиг – тедн соңссн  
уга.

18. Тадн болхла тэрэчин тускар цецн  
келврин чинринь соңстн.

19. Кен болвчн Бурхна Теңгрин орн-нутгин  
тускар үг соңсв чигн эс медхлэ, хар  
санатл ирэд, зүркнд тэрсиг

хулхална. Тиигхлэ хаалһин өөр тэрсн  
тэрэн иим чинртэ болна.

20. Чолута ормд тэрэ тэрснь иим күүнлэ эдл,  
тер күн үг соңсн, дарунь байртаһар  
медсэн авна.

21. Болв тиим эмтн медсэн, соңссан  
төртэн авхш, һол төр гиж тоолхш: кемр  
һашудлһн болн көөлһн эклхлэ, келсн,  
соңссн үг тер дарунь иткл  
уга болна.

22. Буг өвснд тэрсн экн, үг соңссн кү  
заажана, зуг цагин килмж болн худл зөөр  
тер үгиг баһрулад, тегэд тер үг тус уга  
болна.

23. Сэн һазрт тэрсн, соңссн үгиг чикэр  
медсн болн зүркндэн орулсн күн. Тиим улс дала  
темс авч ирнэ, теднэс негнь — зун холван, наадкнь - жирн холван, талдань-  
һучн холван ик урһц өгнэ.»

24. Иисус эднд талдан цецн келвр келх  
болв: « Бурхна Теңгрин орн-нутг күүнлэ эдл, эн  
эврәннь тэрэнд сэн эк тэрж.

25. Эмтн унтсн цагт дээсн ирэд,  
урһжасн буудян заагт буг өвс тэрэд  
йовж одв.

26. Көк урһмл болн темсн һархла, теднэ  
заагт буг өвсн урһснь медгдв.

27. Герин эзн тал зарцнрнь  
ирэд келв: « Эзн! Та сэн эк эврәннь

тэрэнд тэрлэт, буг өвсн альдас?

28. Эзн теднд хэрү өгв: «Энүг дээсн кев»

Зарцнр энүнд келв: «Зөвшөл өгхлэ,  
мадн йовад терүг татад һарһхмн?»

29. Болв эн келв: «Уга, буг өвсиг  
татхларн, тадн буудята хамднь тач  
һарһхт.

30. Эн чигн тер чигн тэрэ хуратл  
хамдан урһг. Тэрэ хуралһна цагт би  
тэрэ хадачд келхүв: «Түрүлэд буг өвсиг  
цуглулад, бооһад, һалд шататн, буудяг  
хадад, мини буудя хадһлдг герт орултн.»

31. Дэкэд нег цецн келвр Иисус теднд  
келж өгв: « Бурхна Теңгрин орн-нутг горчисин  
эклэ эдл, энүг күн эврәннь тэрэнд  
тэрв.

32. Эн экн наадк цуг экнэс хамгин бичкн, болв  
урһад ирхлэрн өндр, ик модн болна,  
терүнэ хамтхаснд теңгрин шовуд  
бултна.»

33. Талдан цецн келвриг Иисус теднд  
келж өгв: « Бурхна Теңгрин орн-нутг һуйрин эклэ  
эдл, күүкд күн тер экиг авад,  
һурвн кемжэн һуйрта негдүлэд, һуйр  
исхинь күлэв.»

34. Иисус цецн келврмүдэр эмтнлэ күүндв,  
келврмүд угаһар теднлэ күүндсн уга.

35. Урднь ээлдөч келсн бээж: «Цецн

келврумдэр эднлэ күүнднэв. Делкэ үүдэгдсн цагас авн бээсн  
нууцинь цээлһж өгнэв.»

36. Иисус эмт тэвчкэд, герт орв.

Сурһульчнр Терүн тал өөрдэд келцхэв:

«Буг өвснэ тускар цээлһэд өгтн».

37. Эн теднд келв: «Сэн эк тэрснь –

Күмни Көвүн.

38. Тегш һазр – эн орчлц. Сэн экн –

Бурхна Теңгрин орн-нутгт бээдг көвүд, буг өвсн –  
хар саната көвүд.

39. Буг өвс тэрсн дээсн – эн эрлг. Тэрэ

хуралһн - эн цагин насни чилгч .Тэрэ хадачнр –

Бурхна элчнр.

40. Тегэд буг өвс цуглулад, һалд хайна,

тиим юмн - эн цагин насни чилгчд болх.

41. Күмни Көвүн Эврәннь элчнрэн илгэх.

Эдн Терүнэ нутгас цуг жилвинь, му

йовдл һарһдгинь цуглулад һалта бешт  
хайх.

42. Терүнд уульһн болн шүдэн

хэврлһн болх.

43. Деед Эзнд иткдг эмтн Бурхна Теңгрин Эцкиннь

орн-нутгт, нарн кевтэ гилвкэд, солһһтрх! Соңсхин төлэ чикн бээхлэ - соңстн.

44. Бурхна Теңгрин орн-нутг тэрэнэ һазрт бултулсн

ик үнтэ зөөрлэ эдл, тер зөөриг күн һазрт

булв. Эн күн үнтэ зөөрт ик гидгэр байрлад, бийднь

бээсэн цугтнь хулдад, тер тэрэг хулдж

авна.

45. Дэкэд Бурхна Теңгрин орн-нутг кувц  
кевтәһәр сән сувсиг хээнә.

46. Нег ик үнтә сувсиг олж авад, эн цуг  
бөөсн юман хулдад, терүг хулдж авв.

47. Дэкэд Бурхна Теңгрин орн-нутг заһсна гөлмлө  
эдл, гөлмиг теңгст шивэд, оln зүсн  
заһс бәрж авв.

48. Гөлм заһсар дүүрэд ирхлә,  
терүг көвә деер һарһв. Бәрж авсн  
заһсан сээнинь мууһас йилһэд, шил  
савд цуглулв, му заһсиг бийәсн цааран  
хайчкв.

49. Эн цагин насни чилгчәр тиим юмн болх: Бурхна  
элчнр һарад, хар саната улсиг Бурхнд  
иткдг әмтнәс салһх.

50. тамин бешин һалд хар саната улсиг хайх, тендәс уульһн болн шүдәрн  
хәвлрһн соңсгдх.»

51. Иисус теднәс сурв: «Юн болхинь  
тадн медвт?» Эдн Терүнд келв: «Ә-ә,  
Деед Эзн».

52. Тер эднд келв: «Бурхна Теңгрин орн-нутгин тускар сурһжах, дегтр бичдг күн  
эзән дураж эврәннь гертән хадһлснас шин болн хуучан һарһна.»

53. Иисус келсн цецн келврән төгсәһэд  
тендәс һарв.

54. Эн Эврәннь төрсн балһсндан ирв,  
синагогд тедниг сурһв, әмтн алң  
болад келцхәлә: «Альдас Энүнд тиим  
цецн ухан болн күчн?»

55. Эн модн урчин көвүн биший?

Төрүнэ экин нернь Мария биший?

Иаков, Иосий, Симон болн Иуда төрүнэ  
дүүнр биший?

56. Төрүнэ эгчнр мадна заагт эс бээнү?

Тиим юмн Төрүнд альдас ирв?

57. Төрүнд итксн уга.» Тегэд Иисус теднд келв:

«Әәлдәч кезә чигн әрүн нертә бәәнә, зуг әврәннь төрсн балһсндан болн әврәннь  
гертән әрүн нерән геенә.»

58. Тедн эс итксн учрар Иисус тенд оln өврмжтә йовдлмуд үзүлсн уга.